



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
JU MJEŠOVITA, SREDNJA ELEKTROTEHNIČKA ŠKOLA
T U Z L A

Djel.broj: 03-2773-1/26
Tuzla, 15.06.2026.godine

Na osnovu člana 69. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), te člana 27. Pravilnika o javnim nabavkama JU Mješovita srednja elektrotehnička škola Tuzla, broj: 01-954-1/25 od 27.02.2025. godine, direktor Javne ustanove Mješovita srednja elektrotehnička škola Tuzla donosi sljedeću:

O D L U K U
o poništenju postupka javne nabavke
u konkurentskom zahtjevu za dostavu ponuda

Član 1.

Poništava se postupak javne nabavke radova „Sanacija podova u JU Mješovita srednja elektrotehnička škola Tuzla“, proveden putem konkurentskog zahtjeva za dostavu ponuda, pokrenut Odlukom o pokretanju postupka broj: 03-1552-1/26, za koji je objavljeno Obavještenje o nabavci broj: 1085-7-3-8-3-3/26 od 15.04.2026. godine na Portalu javnih nabavki Bosne i Hercegovine.

Član 2.

Postupak javne nabavke iz člana 1. ove Odluke poništava se u skladu sa članom 69. stav (3) Zakona o javnim nabavkama Bosne i Hercegovine, iz razloga što nakon provedenog postupka javne nabavke i donošenja odluka o dodjeli ugovora nije bilo moguće zaključiti i realizovati ugovor ni sa jednim od ponuđača koji su dostavili prihvatljive ponude.

Član 3.

Ova Odluka objavit će se na web stranici ugovornog organa i dostaviti svim ponuđačima koji su učestvovali u predmetnom postupku javne nabavke, u skladu sa Zakonom o javnim nabavkama Bosne i Hercegovine.

Član 4.

Ova Odluka stupa na snagu danom donošenja.

OBRAZLOŽENJE

Postupak javne nabavke radova „Sanacija podova u JU Mješovita srednja elektrotehnička škola Tuzla“ pokrenut je Odlukom o pokretanju postupka broj: 03-1560-1/26, a Obavještenje o nabavci broj: 1085-7-3-8-3-3/26 objavljeno je dana 15.04.2026. godine na Portalu javnih nabavki Bosne i Hercegovine.

Ukupna procijenjena vrijednost nabavke iznosila je 29.316,24 KM bez PDV-a, a kriterij za dodjelu ugovora bio je „najniža cijena“.

Na osnovu obavještenja o nabavci i tenderske dokumentacije izvršeno je javno otvaranje ponuda dana 28.04.2026. godine u 10:30 sati u prostorijama JU Mješovita srednja elektrotehnička škola Tuzla, što je konstatovano Zapisnikom o otvaranju ponuda.

Komisija za javnu nabavku, imenovana Rješenjem broj: 03-1553-1/26 od 15.04.2026. godine, na javnom otvaranju ponuda konstatovala je da su blagovremeno pristigle tri ponude.

Komisija je, u skladu sa članom 65. Zakona o javnim nabavkama, izvršila pregled i ocjenu ponuda, o čemu je sačinjen Zapisnik o pregledu i ocjeni ponuda broj: 03-1832-1/26 od 30.04.2026. godine.

Kako je tenderskom dokumentacijom bilo predviđeno provođenje e-Aukcije, ista je održana dana 30.04.2026. godine sa početkom u 12:45 sati i završetkom u 13:41 sati, u skladu sa članom 4. stav (4) Pravilnika o uslovima i načinu korištenja e-Aukcije („Službeni glasnik BiH“, broj: 80/23).

Nakon provedenog postupka pregleda i ocjene ponuda te uspješno okončane e-Aukcije, donesena je Odluka o izboru najpovoljnijeg ponuđača broj: 03-1842-1/26 od 04.05.2026. godine, kojom je ugovor dodijeljen ponuđaču „AM-GRADNJA-OKIĆ“ d.o.o. Živinice, čija je ponuda ocijenjena kao prihvatljiva i najpovoljnija prema kriteriju „najniža cijena“.

Sa navedenim ponuđačem zaključen je Ugovor broj: 03-2056-1/26 od 15.05.2026. godine.

Međutim, izabrani ponuđač nije u zakonom i tenderskom dokumentacijom predviđenom roku dostavio bankarsku garanciju za uredno izvršenje ugovora, zbog čega nisu ispunjeni uslovi za realizaciju zaključenog ugovora. O navedenom je ponuđač obaviješten aktom broj: 03-2454-1/26 od 02.06.2026. godine.

Nakon toga, ugovorni organ je, u skladu sa Zakonom i utvrđenom rang-listom prihvatljivih ponuda, donio Odluku o dodjeli ugovora drugorangiranom ponuđaču broj: 03-2455-1/26 od 02.06.2026. godine.

Drugorangirani ponuđač dostavio je obavijest broj: 03-2511-1/26 od 08.06.2026. godine kojom je izjavio da nije u mogućnosti prihvatiti dodjelu ugovora niti zaključiti ugovor zbog ranije preuzetih i ugovorenih poslovnih obaveza.

Nakon toga ugovorni organ je donio Odluku o dodjeli ugovora trećerangiranom ponuđaču broj: 03-2518-1/26 od 09.06.2026. godine.

Trećerangirani ponuđač dostavio je obavijest broj: 03-2581-1/26 od 12.06.2026. godine kojom je također izjavio da nije u mogućnosti prihvatiti dodjelu ugovora i izvršiti predmetne radove zbog ranije preuzetih ugovornih obaveza.

Imajući u vidu da:

- izabrani ponuđač nije ispunio uslove za realizaciju ugovora,
- drugorangirani ponuđač je odbio zaključivanje ugovora,
- trećerangirani ponuđač je odbio zaključivanje ugovora,

te da nakon iscrpljene rang-liste prihvatljivih ponuđača ne postoji nijedan ponuđač kojem bi se ugovor mogao dodijeliti i sa kojim bi se mogao zaključiti i realizovati ugovor o javnoj nabavi, ugovorni organ je ocijenio da su nastupile okolnosti zbog kojih nije moguće okončati predmetni postupak dodjelom i realizacijom ugovora.

Zbog navedenog, a primjenom člana 69. stav (3) Zakona o javnim nabavkama Bosne i Hercegovine, odlučeno je kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa, u roku od 10 (deset) dana od dana prijema Odluke, u skladu sa odredbama Zakona o javnim nabavkama Bosne i Hercegovine.

Dostaviti:

- Ponuđačima koji su predali ponude
- Računovodstvo
- a/a



Direktor

M.P.

Uzunic
Uzunic Admira, profesora sociologije